

Sabah Port bantu pemuliharaan marin

► Beri sumbangan RM75,000 kepada Universiti Malaysia Sabah (UMS)

Oleh **S.CONNIE PEARL SUIL**
conypearl09@gmail.com

KOTA KINABALU: Sabah Ports Sdn Bhd (SPSB) menyumbang sejumlah RM75,000 kepada Universiti Malaysia Sabah (UMS) bagi tujuan pembiayaan kajian saintifik dalam pemuliharaan marin di Sabah.

Pengarah Urusannya, Datuk Dr Mohd Fowzi Razi berkata perkongsian dengan UMS menerusi Institut Penyelidikan Marin Borneo (IPMB) adalah sebahagian daripada tanggungjawab sosial korporat (CSR) pihaknya dalam membantu penyelidikan ekosistem marin.

“Aktiviti perkapalan menyebabkan alam sekitar terjejas termasuk kemusnahan ekologi persisiran pantai akibat pembangunan dan operasi dalam kemudahan pelabuhan berskala besar.

“Aktiviti perkapalan menyebabkan alam sekitar terjejas termasuk kemusnahan ekologi persisiran pantai akibat pembangunan dan operasi dalam kemudahan pelabuhan berskala besar. Selain itu, pengorekan dan pembuangan sedimen tercemar untuk tujuan pelayaran juga memberikan kesan buruk. Saya yakin saintis marin akan memberikan penjelasan dan ini adalah sebab rasional kita memilih pemuliharaan marin sebagai aktiviti utama CSR kita.”

DATUK DR MOHD FOWZI RAZI
Pengarah Urusan

“Selain itu, pengorekan dan pembuangan sedimen tercemar untuk tujuan pelayaran juga memberikan kesan buruk.

“Saya yakin saintis marin akan memberikan penjelasan dan ini adalah sebab rasional kita memilih pemuliharaan marin sebagai aktiviti utama CSR kita,” katanya ketika berucap dalam majlis pelancaran program kerjasama UMS-SPNB dalam tanggungjawab sosial terhadap alam sekitar, di sini kelmarin.

Menurut Mohd Fowzi,

SPSB mengendalikan aktiviti perkapalan dan pelabuhan di semua pelabuhan utama di Sabah.

Katanya, dalam usaha mengendalikan pelabuhan secara berkesan bagi tujuan pembangunan ekonomi negara, aktiviti terbabit juga memberi impak kepada ekosistem marin.

Dalam pada itu, SPSB telah menaja dua projek pemuliharaan marin yang dikendalikan oleh penyelidik IPMB UMS.

Dua projek terbabit adalah

usaha merangkaikan ekologi berkaitan dengan terumbu karang, rumpai laut dan sistem bakau, dan juga projek pemantauan status terumbu karang serta menentukan kebarangkalian pemuliharaan karang di Teluk Sepanggar.

“Sabah Port akan memberikan sokongan dan meneruskan usaha perkongsian CSR bersama IPMB dalam pemuliharaan marin yang memberikan manfaat kepada negeri ini,” kata Mohd Fowzi.

Turuthadir, Pengarah Pusat



MOHD FOWZI menyampaikan replika cek kepada **Marcus**.

Perkembangan Strategik dan Akademik, Prof Marcus Jopony, Pengarah IPMB, Prof Dr Saleem Mustafa dan tetamu kehormat yang lain.